

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/3

PAPER 3 Literature

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the **three** answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye Mumbapira yaKulimbwilira oyo vana tapa.
- Tjanga Nomora yaLivango, Nomora yaMuhameni mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashitipu.
- Wa sha rughanita shidongonito shamema-mema.
- Limburura mapuro **matatu**, **limwe** mulipongonyono A **Mutango**, **limwe** mulipongonyono B **Porosa**, **limwe** C **Shidanaghuka**. Mogho malimbururo **matatu**, **limwe** po li kare lya ntjangwatimwitira (lyalire).
- Pakera mbiri unene lishantjo, viyivitovaruro nalitungontanto.
- Vitwa vya pwa kutura mutuhaki [] kughuhura wa kehe lipuro mpiri ruha rwalipuro.

This document consists of 7 printed pages and 1 blank page.



Republic of Namibia

MINISTRY OF EDUCATION, ARTS AND CULTURE

LIPONGONYONO A: MUTANGO

Limburura mo lipuro **limwe** tupu muruha runo.

1 Shiyo: Dimutango daRumanyo

Varura mutango uno makura u limburure mapuro ogho gha ka kwamo ko.

Shirugho shanavantje

Kara nashirugho shakurughana
 Morwa ndjo ndando yamutompo
 Kara nashirugho shakughayara
 Morwa nko kuntundiliro yankondo
 Kara nashirugho shakudanauka
 Morwa nko kaholya-holya kavadinkantu
 Kara nashirugho shakuvarura
 Morwa ndjo ndjira yaruhafo
 Kara nashirugho shakurota ndjodi
 Morwa ntjo shirwita shoye shakuroyita ntungwedi yoye
 Kara nashirugho shakuhafita nove va kuhafite
 Morwa shitapa shavadimu
 Kara shirugho mukukenga-kenga
 Liyuva lifupi mukukukitakita
 Kara nashirugho shakushepa
 Morwa ndjo ngovera yamonyo.

(T.M. Shiyambi)

- (a) Shiparatjangwa kuna kukuwa navyo watanta mutango ndi? Nkondopeka lilimbururo lyoye mukurughanita maghano ghamumutango. [3]
- (b) Weni omo ana kushana mutangi kushongaura vvaruli mukikakwata lighano kuhamena liparu mumarupe ghakukushuva-shuva mumutango uno? Wana maghano mumutango ghakuvatere kumalimbururo ghoye. [3]
- (c) Mukara ashi ove munantjoka, ndjira munke ana kukunegheda mutangi u kare nalikuyuvo lyakuhuguvara meho oye mumutango uno? [4]
- (d) Wana ntanto mbiri mumutango odo dina kutunturo maghano ghakukorangeda vanantjoka vantantani mukatikita mo shitambo shavo mumutango uno. Nkondopeka lilimbururo lyoye. [4]
- (e) Weni omo ana kutuntura mutangi ushiri walikuyuvo lyendi kupitira mumutunda 11 na 12 mumutango uno? [3]
- (f) Kutwara omo una varura mutango uno, mukonda munke una kaghayarera ashi lifwatururo lino “Kara nashirugho shakurughana morwa ndjo ndando yamutompo”, lina kara namulyo mumutango uno? Wana maghano mumutango ghakuvatere kumalimbururo ghoye. [3]

[20]

NDI

2 Mbeli: Dimutango daRugciriku

Varura mutango uno makura u limburure mapuro ogho ghana ka kwamo ko.

Lidakwa

Pakare ngoli vyakalire muKavango wetu mu
Vamakuwa vantantani kapi vyakalire ko mu
Kuni twa vi monine kuni twa vi wekire mu
Shikuru shakare pantjasho ka shi rughanango

Liyuva lina toko cegca ana wapa lidakwa mpolili
Lidakwa mpolili pacegca vikuni tuna tjava
Horongo wamurume nalidakwa nka lyalinene
Kugorokota pauro ntjeneshi kuna kuyara

Nguvo yamulyo yashikuru shetu shakare
Turo ne perere poye mpiri kuliyegho kukunyunga
Lidakwa lyakushunta nawa ndjo nguvo yayiwa
Lidakwa ndjo nguvo, yayo ne yashipapa tupu

Nguvo damushitora kapishi dashikuru shetu
Lidakwa lyashipapa, ngoli nguvo yakukufuka
Vangi va li kufuko, kumpepo lyarera vayingi
Karunga a vi tu piro ashi lidakwa nalyo mulyo.

(W. Nkumbwa)

- (a) Mutango uno kuna kunegheda lipuro lyamutangi kumpo yakukakuru. Tjanga omo a rughanita liraka a tape mbudi yamumutango uno.

Tjanga mwara nkango **125 – 150**.

[10]

- (b) Timwitira kuhamena liraka lyamutangi omo lina kukurenkita u kakare nalikuyuvo lyakuhamena mulyo wakurughanita shipapa shashikorama mumutango uno. Rughanita maghano ghamumutango ghakuvatere musitjangwa shoye.

Tjanga mwara nkango **125 – 150**.

[10]

[20]

LIPONGONYONO B: POROSA

Limburura mo lipuro **limwe** tupu muruha runo.

3 Sha rondo mpadi: H N Diaz

Ruyendo rwa kuvyuka kulondon

Ndjira yakuvyuka kuNamanga kwakalire ndjira yaliguvo lyalinene. “Mumushima wande ndyo sha liguvo yira kapi nka ngani ya ko kuno kuMombasa. Yira kapi ngani mu mona nka nyokwetughona. Shimpe kapi na vi yuvha rumwe mumushima wande vyaweno.” A ghamba Likoromoka. “Name nka ngoweyo vene nina kukuyuvha mumushima wande, yira ndo rwakuhirilira kuya ko kuno kuMombasa ano nka yira kapi nka ngatu kumona nanyokwetughona. Mushima wande una ndunduma ngudu-ngudu.” A limburura Kazai. “Ame ne ameshi muna vi mono panya tuna kumoraghura nanyokwetughona maruntjodi mwa pa mumantjo ghande.” a wederere ko Kimutu. “Anwe walye kuna kughayadara ndudu-ngudu yinya ndjodi yavambusha. Yinya ndjodi tupu nwe, mbyo ngoli mu guvira ruvede naruntje ndi.” A ghamba Katjoroghona. “Ove una kuvhuruko yinya ndjodi, kapi ya kushuva nandjodi oyo na rotire. Ndjodi nakuvhura shi yi kukwame kuyirota vantu vaviri.” A limburura Kimutu. “Pamwe ngoweyo vya shorokanga. Vyandjodi tu vi vhurame ngoli. Ameshi mpiri mbushande panya tuna mu shuvu uye kuna kulira. Muna mu yuvhu vene opo ana ghamba ashii vana vande kumumona weno mushima wande una ndundumana yira kapi ngatu kumonenu nka.” Ame ngoli mukughayara mbushande, mushima wande nawa-nawa tupu. Nkwandi pakumughayara anwe vimpumba vyavavava, hawe, kuyuvha maruntjodi kuna kuya mumantjo ghande. Ngoweyo vya karanga pamwe.” A ghamba Katjoroghona. “Namuntji ne weni omo muna kara nanuvantje. Kapishi yira momunya twa ya yendire navaKiangi, Katinga naKatjakubeghona, ano ntani nka kapishi yira momunya twa ka yire. Ndjoghera ya wapire ngudu-ngudu mbyo ya karilire ndjira yira yifupi. Namuntji ne yira paliyoghoru vene tuna rondo.” A kumbururura ko mushingi washihauto.

- (a) Vinke vina kukurenkito u ghayare ashii uno Likoromoka, lipenda mukatji kambunga yaVamasai mumbapira yino? [4]
- (b) Weni omo a tuntura mutjangi nkalito yaMbwangungu mumbapira yino? Twenya ko mbiri nakunkondopeka nkalito ado. [4]
- (c) Vinke vyashorokiliro Likoromoka, vauni naviro vyendi mundjira yakuvyuka kuLondon va tunde muMombasa va yende kuNamanga, nakonda munke vina kukarera vishorokwa vinya mulyo kumbaira yino. [4]
- (d) Weni omo a kenita mutjangi umbindongo waKikuyu ogho una kakurenkito u ka mu fere nkenda Likoromoka mumbapira yino? Twenya ko makuyuvo ghoye maviri nakunkondopeka kehe likuyuvo oloyo una twenya mukurughanita maghano ghamumbapira. [4]
- (e) Vyawapire ovyo kaya rughanenanga likudeuro lyendi Likoromoka mushirongo shendi ndi? Nkondopeka lilimbururo lyoye omo u karughanita maghano ghamumbapira. [4]

[20]

4 Mfudu Urodi: R.S. Shampapi

Fwaturura omo a negheda mutjangi viperedeka vyanganga Ligehe omo vyakayitire po likutjindjo munkalito yapatatji kamapata ghano maviri, IyaShakarungu naShamate. Wana maghano mumbapira ghakuvatere muvitjanga vyoye.

Tjanga mwara nkango **250 – 300**.

[20]

LIPONGONYONO C: SHIDANAUKA

Limburura mo lipuro **limwe** tupu muruha runo.

5 Shatoka: H.N. Diaz

Vishorokwa evi vi kwamo ko kwashorokilire kulipata lyanturaghumbo Livambankuru matiku muliyuva lyauviri. Livambankuru a kughu muunyendi Vishoni. Vantu vavo vana rara vavo vaviri kuna kukukanana.

Livambankuru: Muunyande, ame ni na kara naudito waunene mumushima.

Vishoni: Udito ogho ngo na kara nagho name mumushima wande.

Livambankuru: Walye ogho udito muna kara nagho anwe, kapishi yira ngogho na kara nagho ame. Udito wande unene ngudu-ngudu.

Vishoni: Ogho ne udito wetu una tu wano muno mushirongo shaVashambyu. Tuna u tompwere kare nomanande Ruhepo.

Livambankuru a tukuka, a mwena teete karuvoghona ntani ana vareke rughamba.

Livambankuru: Udito waweni nani ogho muna tompwere naRuhepo?

Vishoni: Udito naruhepo rwavana vamonande, Ruhepo, wamatokatoka ava vana shwena vantu muno mu shirongo shaShambyu. Vashambyu kuna kutu shepa ashi vyakuyitanga vitokatoka. Kapi nka vana kushana kuyanga mo muno mumundi wetu tuna kurerera matokatoka. Mukurwande, udambo wetu navantu ava twa ya wana pano paShiyana, ngo wa karo namulyo kapishi vitokatoka. Mukurwande, ghayara, Ruhepo shimpe mukadona ano kumeho kuvhura nga ka wane ko vanuke vavantu, ntjene vitokatoka avi mu tundu. Mbyavi vitokatoka yira momo vana kuvighamba vantu.

Limvambankuru a ku tutumiki ano tupu ana kukende.

- (a) Vinke ana kunegheda mutjangi ashi ndjo ntundiliro yalikombanito lyavatekuru ovo va twenya mushidanauka shino? [4]
- (b) Wa vi pura ashi mutjangi kuna kukorangeda vavaruli va kare nalikuyuvo lyankenda kuvatekuru ovo va twenya mumbapira yino ndi? Nkondopeka likuyuvo lyoye. [4]
- (c) Weni omo a tuntura Livambankuru mbudi yamulyo mushidanauka mukurughanita shishewe shino: “Ntekuru da vhura mona.” [4]
- (d) Vinke una kughayara kovyo ana kutuntura mutjangi kuhamena omo vana kukuliburura Valimunga nangumweyi yendi mushidana shono? Nkondopeka Malimbururo ghoye. [4]
- (e) Kurughambo runo: “Tuna hepa ntani kurughana po shintu,” omo rwakurenkita u kakwate lighano kuhamena ukalito yaVishoni mushidana shino. [4]
- [20]

NDI

6 Nkandaurama: S.K. Mbambo

Weni omo a negheda mutjangi likuyuvo kuvavaruli kuhamena kuvishorokwadona ovyo vyashorokiliro vashongwa pamavangodaneno ghano maviri, shurekurona yaNamulenge, Shurekurona yaRundu naKampungu mumbapira yino. Wana maghano mumbapira ghakuvatere mushitjangwa shoye.

Tjanga mwara nkango **250 – 300**.

[20]

BLANK PAGE